


2013-mi pisortat sinneqartoorput

Pisortat sinneqartoorutaat milliartorpoq

2013-mi pisortat suli sinneqartooruteqarput. Pisortat sinneqartoorutaat 255 mio. koruuninut naatsorsorneqarput, 2012-mut sanilliullugu sinneqartoorut 164 mio. kr.-nik annikinneruvoq, taamani sinneqartoorut 419 mio. koruuniuvoq. Sinneqartoorutip annikilliarternera pisortat aningaasanik atuinerat isertitanit annertuneruneranik annerusumik peqquteqarpoq.

Titartagaq 1. Pisortat aningaasanik atuinerat



Pisortat aningaasanik atuinerat annertusiartorpoq

Pisortat kiffartuussinikkut aningaasartuutaasa (pisortat atuinerat) ilagaat sulisut akissarsiaannut aningaasartuutit, atortorissaarutisigut aningaasartuutit, taamatullu nioqqutissiornikkut aningaasartuutit nioqqutissanik kiffartuussinikkulu isertitarisat ilanngaatigereerlugit. Aningaasanik atuinerup annertunersaa aningaasarsianut atornerarpoq. 2013-mi akissarsianut aningaasartuutit 3,5 pct.-mik qaffapput 3.597 mio. koruuninut nioqqutissiornikkullu atuineq 13,1 pct.-mik qaffariarluni 3.597 mio. koruuninut. Nioqqutissanik aamma kiffartuussinikkut isertitat 19,4 pct.-mik, aningaasanngorlugu 927 mio. koruuninik qaffariarput. Ataatsimut isigalugu pisortat atuinerat 7.311 mio. koruuninik annertuseriarpoq, tassa qaffariaat 5,9 pct.-iuvoq.

Aningaasaliinerit appariartorput

Pisortatigut aningaasaliissutit siullermik tassaapput aningaasaliinerit aalajangersimasut nutaat aamma illunik pisinikkut / tunisinikkut aningaasartuutit. 2013-mi aningaasanik amerliartortitsineq ataatsimut 23 mio. koruuninik 595 mio. koruuninut appariarpoq. Tassani akuupput aningaasanik ingerlatseqatigiiffinnut nuussinerit, inoqtigiit atugassaat iluanaarutaannngitsumillu ingerlatsivinnut aningaasartuutit. 2013-mi

aningsaliissutit ataatsimut 3,7 mio. koruuniniit 62 mio. koruuninut qaffapput pingaarnerusumik inoqutigii atugassaannut annertunerusumik nuussinernik peqquteqartumik. Inerera imaalerluni, 2013-mi pisortat ataatsimut aningsaliisarnerat 2,9 pct.-mik annikilleriarpoq 658 mio. koruuninut.

Nuussinert qularnaarpat isertitatigut qaffarialaarneq

Pisortat ataatsimut isertitaat 147 mio. koruuniniit 10.309 mio. koruuninut annertuseriarput assigalugu annertuseriaat 1,4 pct.. Taakkunanga ingerlaavartumik nuussinert allat 4.872 mio. koruunit. Taakku tassaapput Danmarkip ataatsimoortumik tapiissutai, EU-p akiliutai, naalagaaffiup avatangiisinik iluarsaanermut tapiissutai, Nationalbankip sinneqartoorutaanit Kalaallit Nunaata agguagarsiai taamatullu naalagaaffiup aningsartuutigisassaanik utertitsinikkut isertitat. Akerlianik 2013-mi akileraarutitsigut isertitat 3.608 mio. koruuninut annikilleriarput , tassalu tamatumani annikilleriaat 45 mio. koruuniuvoq.

Pdf-fiilinnorlugu

Saqqummersitaq ”Pisortat aningsasaqarnerat ” pdf-fiilitut Kalaallit Nunaanni Naatsorsueqqissaartarfiup nittartagaatigut www.stat.gl iserfigalugu aaneqarsinnaavoq.

Paasissutissanik kissaateqartoqassaguni siunnersorti Johannes Vejbæk Jensen e-mail-kut joj@stat.gl saaffigineqarsinnaavoq.